

**PEMBERITAHUAN PERTANYAAN**  
**DEWAN RAKYAT MALAYSIA**  
**MESYUARAT KEDUA, PENGGAL KELIMA**

**PERTANYAAN** : LISAN  
**DARIPADA** : DATUK SERI HAJI AHMAD BIN HAMZAH  
**KAWASAN** : JASIN  
**TARIKH** : 3 OGOS 2017  
**NO. SOALAN** : 65

**SOALAN**

**Datuk Seri Haji Ahmad Bin Hamzah [Jasin]** minta **PERDANA MENTERI** menyatakan *KPI* yang hendak dicapai pada tahun 2018 & 2020 berkaitan *Human Development Index (HDI)*, *Legatum Prosperity Index (LPI)*, *World Happiness Index (WHI)*, *Corruption Perception Index (CPI)*, *Global Peace Index (GPI)*, *Ease of Doing Business Index (EDBI)*, dan *World Competitiveness Index (WCI)*.

**JAWAPAN**

Seperti yang kita maklum, Kementerian Perdagangan Antarabangsa dan Industri (MITI) berperanan dalam memantau prestasi daya saing Malaysia dalam tiga laporan antarabangsa yang berkaitan dengan perdagangan, pelaburan, ekonomi dan produktiviti.

Setiap laporan ini mempunyai Indikator Petunjuk Utama (KPI) untuk tujuan pemantauan dan peningkatan prestasi negara dari semasa ke semasa. Laporan di bawah KPI kementerian adalah, *IMD World Competitiveness Yearbook (WCY)*, *Global Competitiveness Report (GCR)* oleh *World Economic Forum (WEF)* dan juga *Doing Business (DB)* oleh *World Bank*.

Laporan WCY yang diterbitkan oleh *Institute for Management Development* (IMD) mengukur daya saing sesebuah negara berdasarkan empat faktor input seperti berikut:

- (i) Prestasi Ekonomi yang menilai prestasi ekonomi negara secara makro;
- (ii) Kecekapan Kerajaan yang menilai sejauh mana dasar-dasar Kerajaan membantu meningkatkan daya saing;
- (iii) Kecekapan Perniagaan yang mengukur sejauh mana enterpris beroperasi secara inovatif, membawa keuntungan dan bertanggungjawab kepada masyarakat; dan
- (iv) Infrastruktur yang mengukur sejauh mana teknologi asas dan saintifik serta sumber manusia memenuhi kehendak perniagaan.

Dalam WCY 2017, Malaysia berada di kedudukan ke-24 daripada 63 buah negara (WCY 2016: ke-19). Walaupun mencatatkan penurunan, Malaysia masih lagi berada di kalangan 25 negara paling berdaya saing.

Bagi WCY, KPI yang ditetapkan oleh MITI pada tahun 2017 adalah di kedudukan ke-15 (25% teratas) dan pada tahun 2018 adalah di kedudukan ke-19 (30% teratas). Penetapan 2018 ini adalah berdasarkan kepada KPI 2017 yang tidak tercapai di mana Malaysia berada di kedudukan ke-24 (38% teratas).

Laporan GCR 2016-2017 mengenal pasti faktor-faktor yang membolehkan sesebuah negara mencapai pertumbuhan ekonomi dan kemakmuran jangka panjang melalui 12 teras Indeks Daya Saing Global (GCI) yang terdiri daripada:

- (i) Institusi;
- (ii) Infrastruktur;
- (iii) Persekutuan Ekonomi Makro;
- (iv) Kesihatan dan Pendidikan Rendah;
- (v) Pendidikan Tinggi dan Latihan;
- (vi) Kecekapan Pasaran Barang;
- (vii) Kecekapan Pasaran Buruh;
- (viii) Pembangunan Pasaran Kewangan;
- (ix) Kesediaan Teknologi;
- (x) Saiz Pasaran;
- (xi) Kecanggihan Perniagaan; dan
- (xii) Inovasi.

Dalam GCR 2016-2017, Malaysia berada di kedudukan ke-25 daripada 138 buah negara (GCR 2015-2016: ke-18). Walaupun mencatatkan penurunan, Malaysia masih lagi berada di kalangan 25 negara paling berdaya saing.

Bagi laporan GCR, penetapan KPI adalah kekal di kedudukan ke-25 (18% teratas) pada tahun 2017 dan bagi tahun 2018, berada di kedudukan ke-21 (15% teratas).

Laporan *Doing Business* pula, mengambil kira 10 bidang utama dalam urusan menjalankan perniagaan yang merangkumi

- (i) Memulakan perniagaan;
- (ii) Urusan permit pembinaan;
- (iii) Kemudahan bekalan elektrik;
- (iv) Pendaftaran harta tanah;
- (v) Mendapatkan pinjaman;

- (vi) Perlindungan ke atas pelabur minoriti;
- (vii) Pembayaran cukai;
- (viii) Perdagangan rentas sempadan;
- (ix) Penguatkuasaan kontrak; dan
- (x) Penutupan perniagaan

Dalam *Doing Business* 2017, Malaysia berada di kedudukan ke-23 daripada 190 buah negara (DB 2016: ke-22). Bagi laporan *Doing Business*, penetapan KPI adalah kekal di kedudukan ke-19 (10% teratas) pada tahun 2017 dan 2018. Ringkasan KPI bagi ketiga-tiga laporan di atas adalah seperti di Lampiran 1. Prestasi Malaysia dalam 5 laporan terpilih selain di atas adalah seperti di Lampiran 2.

Kementerian bersama-sama unit *Civil Service Delivery Unit* (CSDU), JPM, *PEMANDU Associates* dan Perbadanan Produktiviti Malaysia (MPC) bekerjasama menyediakan analisis terperinci terhadap laporan daya saing antarabangsa dan mencadangkan penambahbaikan yang boleh dilaksanakan dengan segera dalam tahun semasa. Selain itu, *Competitiveness Working Group* (CWG) telah ditubuhkan yang terdiri dari 10 Kluster dari pelbagai kementerian dan agensi bertujuan untuk memperbaiki indikator-indikator yang memerlukan penambahbaikan serta mengesahkan pembekalan data kepada agensi anatarabangsa selain daripada meningkatkan jalinan penglibatan komuniti perniagaan dan orang awam dengan penerangan melalui pelbagai saluran komunikasi bagi menghebahkan inisiatif-inisiatif penambahbaikan yang dilaksanakan oleh Kerajaan.

*PEMUDAH Journalism Competition* dijalankan setiap tahun bertujuan menggalakkan wartawan untuk menerbitkan pembaharuan yang telah

dilaksanakan oleh Kerajaan untuk meningkatkan persepsi dan kesedaran masyarakat. Melalui pertandingan ini, para wartawan dapat membuka peluang kepada Kerajaan bagi pembaharuan yang boleh dijalankan di masa hadapan selain dari memberikan maklum balas mengenai realiti sebenar yang berlaku dalam masyarakat.

Untuk makluman, Kementerian tidak membuat penetapan KPI dalam jangka masa panjang memandangkan setiap laporan sentiasa mengemaskini metodologi yang digunakan dari semasa ke semasa selaras dengan perubahan ekonomi dan persekitaran yang dinamik.

## Lampiran 1

### Laporan Daya Saing Utama

Petunjuk Prestasi Utama (KPI)	2017 (Sasaran)	2017 (Kemaskini pada 31 Mac 2017)	2017 (Sebenar)	2018 (Sasaran)
Kedudukan Malaysia di dalam <i>World Bank Doing Business (DB)</i>	15	19 (Top 10%)	Laporan DB 2018 akan diterbitkan pada 25 Oktober 2017	19 (10%)
Kedudukan Malaysia di dalam <i>IMD World Competitiveness Yearbook (WCY)</i>	12	15 (Top 25%)	24 (38%) Laporan WCY 2017 telah diterbitkan pada 1 Jun 2017	19 (30%)
Kedudukan Malaysia di dalam <i>Global Competitiveness Report (GCR)</i> , dikeluarkan oleh <i>World Economic Forum</i>	17	25 (Top 18%)	Laporan GCR 2017-2018 akan diterbitkan pada 27 September 2017	21 (15%)

## Lampiran 2

### Prestasi Malaysia dalam Laporan Terpilih

Laporan	Kedudukan Malaysia	Ringkasan laporan
<i>Human Development Report (HDR) 2016</i>	59 (drpd 188 negara)	HDR mengukur <i>Human Development Index (HDI)</i> melalui pencapaian purata dalam dimensi utama pembangunan manusia iaitu kehidupan yang panjang dan sihat, berpengetahuan dan mempunyai taraf hidup yang baik.
<i>Legatum Prosperity Index (LPI) 2016</i>	38 (drpd 149 negara)	LPI adalah laporan yang menetapkan kedudukan sesebuah negara itu berdasarkan 9 faktor utama iaitu kualiti ekonomi, persekitaran perniagaan, tadbir urus, pendidikan, kesihatan, keselamatan, kebebasan peribadi, modal sosial dan persekitaran semulajadi.
<i>World Happiness Index (WHI) 2017</i>	42 (drpd 155 negara)	WHI adalah kajian mengenai kebahagiaan secara global yang diukur melalui 6 faktor utama iaitu pendapatan, jangkaan jangka hayat sihat, mempunyai seseorang untuk dihitung di masa kesulitan, kemurahan hati, kebebasan dan kepercayaan.
<i>Corruption Perceptions Index (CPI) 2016</i>	55 (drpd 176 negara)	CPI adalah laporan yang menilai tahap rasuah, seperti yang ditentukan oleh penilaian pakar dan tinjauan pendapat. CPI secara umumnya mentakrifkan rasuah sebagai “penyalahgunaan kuasa awam untuk kepentingan swasta”.
<i>Global Peace Index (GPI) 2017</i>	29 (drpd 163 negara)	GPI mengukur keadaan keamanan sesebuah negara menggunakan tiga faktor utama iaitu tahap keselamatan masyarakat, tahap konflik domestik dan antarabangsa yang berterusan dan tahap ketenteraan sesebuah negara.

**SOALAN (66)****PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN :** LISAN

**TARIKH :** 3 OGOS 2017  
[ KHAMIS ]

**DARIPADA :** YB. DATUK MOHD IDRIS BIN JUSI  
[BATU PAHAT]

**SOALAN :-**

**YB. Datuk Mohd Idris bin Jusi [ Batu Pahat ]** minta **PERDANA MENTERI** menyatakan jumlah keluarga penduduk kampong Bumiputera dalam Renggit, Batu Pahat, berapa keluarga yang memiliki rumah sendiri, berapa pula yang berkongsi rumah dan berapa keluarga yang tidak mempunyai rumah. Bila projek rumah terbengkalai di situ boleh disiapkan untuk membolehkan keluarga yang tidak berumah mengisinya.

**JAWAPAN :-**

Tuan Yang di-Pertua,

Untuk makluman Ahli Yang Berhormat,

Daripada rekod Kementerian Kesejahteraan Bandar, Perumahan dan Kerajaan Tempatan,dari tahun 2009 sehingga 30 Jun 2017, sebanyak 253 projek perumahan swasta telah disahkan terbengkalai di seluruh Semenanjung Malaysia sepihama peruntukan di bawah Akta Pemajuan Perumahan (Kawalan dan Perlesenan) 1966 [Akta 118]. Daripada keseluruhan jumlah 253 projek tersebut, sebanyak 44 projek perumahan swasta terbengkalai telah direkodkan di Negeri Johor yang melibatkan sebanyak 8,839 unit rumah dan seramai 5,807 orang pembeli. Sebanyak 35 atau 80% projek perumahan terbengkalai telahpun berjaya dipulihkan atau diselesaikan. Manakala sebanyak 5 projek atau 6% sedang dalam pelbagai peringkat pemulihan/ pembinaan dan baki 4 projek atau 9% sedang dalam perancangan awal pemulihan.

Setakat ini tiada projek perumahan swasta terbengkalai yang telah direkodkan di dalam kawasan Renggit, Batu Pahat, Johor.

Sekian, terima kasih

3 Ogos 2017